

# ils hallimaschs i'l PNS

■ (anr/afi) Duos bulais parasits sun respunsabels per la mort da divers böschs i'l Parc Naziunal Svizzer (PNS). I's tratta qua dal cuntshaint hallimasch e dal bulai da ragischs. Els attachan la bosscha, tilla disfan ed agischan a la zoppada. A chaschun d'ün referat ha declerà il patolog forestal *Daniel Rigling* ils fenomens da quists duos individuums. Il plü grond hallimasch da tuot l'Europa s'ha-

ja chattà illa regiun da Stabelchod. «I's tratta qua d'ün unic individuum chi s'ha derasà süin üna surfatscha da 37 hectaras», ha'l infuormà. Il bulai nun es be il plü grond, el es eir fich vegl. Ils scenziats stiman sia età tanter 1000 e 2000 ons. Plünavant ha preschantà *Silvana Dettmann* sias illustraziuns scientificas dal hallimasch.

> PAGINA 11



Las vendschadras e'ls vendschaders, qua Sandro Nuotclà, han pudü preleger lur texts chi vaivan scrit pella concorrenza. FOTO F. ANDRY

## Uffants autuors han impreschiunà

■ (anr/fa) 104 texts ha survgni la giuria da la concorrenza da scriver «Pledpierla» per valütar. La sala polivalenta a Lavin d'eira bain occupada pella premiaziun. In marcurdi saira han gnü lö al medem mumaint a Trun, Savognin ed a Lavin la premiaziun dals texts inoltrats pella concorrenza Plima d'aur/Pledpierla. La giuria engiadinaisa, cun *Claudia Nicolay*, *Tinetta Rauch* e

*Chasper Valentin*, ha valütà ils 104 texts ch'uffants d'Engiadina e Val Müstair vaivan scrit. Ils vendschaders e las vendschadras da las quatter categorias, uffants da la 3/4a, da la 5/6avla, da la 7-9avla classa e giuvenils da 17 fin 25 ons, sun *Sandro Nuotclà*, *Flurin Bott*, *Claudia Franziscus* e *Milena Hug*.

> PAGINA 11



9 771424 749004

50039




Servetsch d'abunents e da distribuziun: tel. 0844 226 226 mail: abo@somedia.ch

dubi che ses postulat passia. Suentar è ella sa mussada satisfatga: «Ins vesa che tut las fracziuns han chapientscha per las linguas minoritaras e quai ma fa grond plaschair.»

Il cussegl federal aveva recumandà da refusar il postulat perquai ch'ins rapporteschia gia regularmain davart il talian ed il rumantsch en connex cun la Charta europeica da linguas. Semadani accentuescha dentant ch'ins n'haja dapi il 1983 fatg nagina analisa profunda pli. Ins possedia buns instruments per promover las linguas, ma l'effect na saja betg quel ch'ins giavischia.

Il postulat aveva leventà irritaziuns tar las uniuns da Pro idioms che han temì intenziuns zuppa-



Cussegliaera nazionala *Silva Semadeni* (ps/GR) è satisfatga che ses postulat è vegni acciegl federal aveva recumandà da refusar el.

das per promover il rumantsch grischun. La cussegliaera nazionala ha perquai sutlingià ier en il parlament che gliez na saja betg il cas. Il rapport na duai betg nutrir conflicts davart il rumantsch gri-

schun, mabain intercurir las duas linguas minoritaras en il context actual e mussar las sfidas per il futur.

Sut questas circumstanzas haja el pudì acceptar il postulat, ha

ditg *Martin* sin dumo tschintg cun Grischun h

> PAGINA 2

## Augment massiv dals custs per la sanadad

■ (anr/ld) Las premias per las cassas da malsauns s'augmentan l'onn 2018 puspè massivmain, numnadamain en media per 4%. Quellas fissan crudadas or anc pli aut (var 5%), na vess il cussegl federal *Alain Berset* betg decretà ina revisiun dal Tarmed sin il prim da schaner 2018. Tarmed è il register da las tariffas per il tractament medical. Effectivamain quintan ins cun in augment dals custs per l'onn proxim da 3,8%. Sco quai ch'il minister per la sanadad publica ha explitgà è in augment da 4% dentant giustifitgà. Ils motifs èn il svilup demografic ed il fatg che diversas cassas han calculà ils custs memia bass ed han uss memia pauc reservas. Berset vul impedir in augment quantitativ da las prestaziuns nungjustifitgà cun crear in sistem da monitoring. Plinavant vul el er tadlar experts co ch'ins pudess frunar ils custs per la sanadad en l'avegnir.

> PAGINA 2

## Nova residenza da vegliad e da sanadad a Glion

■ (cc) La regenza ha approvà ina revisiun parziala da la planisaziun locala ch'era vegnida concluida da la vischnanca dad Ilanz/Glion ils 21 da matg 2017. Sin l'areal da l'anteriura scola professionala da tgira sper l'ospital regional a Glion duai vegnir construida ina residenza da vegliadetgna e da

sanadad. Per quest intent duain vegnir tratgas a niz sinergias cun l'ospital regional.

Damai che la residenza duai vegnir sviluppada e manada d'in investider privat, e quai en moda organisatoricamain e giuridicamain independenta da l'ospital, è necessaria ina relaschada or da la zona per edi-

fizis e per L'areal vegn «zona central».

Pervia da tectonica-is pervia da la turns vegn speziala sin substanza is



Survista da l'areal per la nova residenza da vegliadetgna e sanadad a Glion. FOTO COM

# Prestaziuns admirablas

Sera festiva da rangaziun dalla Plema d'aur 2017

■ (anr/abc) Dapi 20 onns dat ei la concurrenza da scriver «La Plema d'aur». La Lia Rumantscha organisescha quella per scolaras e scolars ell'Engiadina, en Surselva ed el Grischun central. Mesjamna sera ha la LR envidau a Trun alla premiaziun sursilvana. Il beinvegni musical ha Chiara Jacomet fatg. La giuvna da 18 onns ha battegiu l'jamna vargada siu emprem disc cumpact e lantschau ina via sco musicista e cantautura. El center da quella mesjamna sera ein denton auturas ed auturs stai. David Flepp, promotur regiunal dalla Ligia Romontscha, ha beneventau ina massa affons e giuvenils ella sala d'art a Trun. Cun geniturs, tattas e tats, ein els suandai igl invit per la premiaziun dalla concurrenza da scriver La Plema d'aur 2017. Suent il 2015 ha la sera festiva giu liug per la secunda gada ella sala d'art da Luis Defuns, in liug fetg adattau per talas occurrenzas.

## La giuria ha stuiu surstar

Sco David Flepp ha informau ils presents ein varga 200 affons e giuvenils da tuttas regiuns romontschas separticipai alla concurrenza 2017. La Plema d'aur vul far gust da scriver, far curascha da scriver romontsch, s'occupar dil lungatg, esser creativs, scriver si ideas e schar ir la fantasia. Ils affons e giuvenils han retschert in tema fix, uonn ei quei stau «In di da narr». 48 affons sursilvans han inoltrau enteifer il termin lur texts. Flepp ha numnu els «ils fabuluns e las poetinas». En emprema lingia han ils auturs mussau tschaffen da formular historias, crimis, raquens d'auters planets, historias da horrur e d'amur, commuentontas ed interessantas. Era Arno Camenisch ei separticipaus igl onn 1997 alla Plema d'aur. Oz eis el in dils pli reputai auturs svizzers.

Era il commember dalla giuria Manfred Veraguth ha experientscha culla Plema d'aur. Sco el ha tradiu all'anr ha el gudignau 1996 la concurrenza. Mesjamna sera han il historiograf e la scolasta Sabina Candinas giu da presentar victu-



Las victuras ed ils victurs dalla plema d'aur 2017: davontier da sen. Chanel Monn, Donata Ernst, Jasmin Cabernard; davostier Nicole Pally, Ilu Demont, Helena Knight, Jan Davids, Ronja Duff e Bianca Blumenthal.

FOTO A. BEELI

ras e victurs 2017. Els dus ed il tierz commember dalla giuria, il redactor da radio Erwin Caduff, han legiu ed admirau, stuiu surstar, mintgatun han els era scurlau il tgau. Da principi seigien tuts 48 affons ch'ei separticipai uonn alla Plema d'aur victurs. Ils criteris rigurus han valiu, la giuria ha rangau las meglieras lavurs tenor tema, lungatg e cuntegn. Per exempel eis ei stau impurtont da setener vid in fil tgietschen, ils auturs han stuiu risguardar la tematica fixada «In di da narr». Tscheu e leu ei la grammatica, cul diever dil temps, stada ina sfida. Sco la giuria ha declarau han biars texts giu buna sostanza ed ein i a cor. Autenticitad, descriver sentiments, bialas expressiuns, madirezia dil lungatg: quei ed auter san ins exercitar cun separticipar alla Plema d'aur. 48 affons sursilvans han vulliu far quei.

## Buca pli ina plema sco trofea

El decuors dalla sera han treis auturas prelegiu lur lavurs. Jasmin Cabernard da Mustér ha gudignau la Plema d'aur 2017 ella categoria 3./4. classa. Dallas 24 lavurs inoltradas en quella categoria ha il raquent cul tetel «Il tschut Leo e la Martina» perschuadiu il pli fetg. Cun ina segirtad e dicziun admirabla ha ella prelegiu quel avon ina sala pleina. Ella categoria 5./6. classa ein 18 scolaras e scolars sursilvans separticipai. Donata Ernst da Sagogn ha prelegiu sia historia «Il davos di, il pli bi». L'autura ha descuret il destin d'ina buoba africana grevmalsaua, il davos gi da sia veta. Sia lavur ha la giuria selezziunau pils Dis da litteratura 2017 a Domat. Ernst vegn a preleger siu text enton cun victurs dallas autras regiuns.

Per la categoria 7./9. classa ha la giuria giu da leger sis lavurs. Chanel Monn

da Segnas ha scret d'in cass fetg actual. Ahmed, il buob da 14 onns dalla Siria, vegn a Glion cun sia famiglia. Sco ei schabegia savens eis ei nuota lev da s'assimiliar. Il text cuntegn fetg bialas expressiuns, l'autura capescha d'ir entuorn cul lungatg. Bunas aspectativas per cuntinuar.

Victuras e victurs, vul gir ils emprems treis dalla Plema d'aur 2017, han dil reminent buca pli retschert ina plema d'aur en fuorma da trofea. La LR ha surdau premis novs en fuorma d'in memory stick fetg attractiv sco era ina biala summa daners da sac. La proxima concurrenza Plema d'aur organisescha la Lia Rumantscha en dus onns. Naven d'immediat han els caschun d'isar, exercitar, empruar da formular e fabular. Quei san ins far era sch'il fil tgietschen dalla Plema d'aur 2019 ei aunc buc enconuscents.

## Victuras e victurs

### Categoria 3./4. classa

Surselva

1. Jasmin Cabernard, Mustér; 2. Bianca Blumenthal, Mustér; 3. Ronja Duff, Mustér.

Engiadina

1. Sandro Nuotclà, Ftan; 2. Loris Beer, Ftan; 3. Mario Fröhlich, Ftan.

Grischun central

1. Viola Schneider, Ziràn; 2. Silvan Beeli, Lohn; 3. Ursina Melchior, Andeer.

### Categoria 5./6. classa

Surselva

1. Donata Ernst, Sagogn; 2. Helena Knight, Sagogn; 3. Jan Davids, Sagogn.

Engiadina

1. Flurin Bott, S-chanf; 2. Nadine Hosang, Zuoz; 3. Marlon Tramèr, Samedan.

Grischun central

1. Annina Jenal, Savognin; 2. Joshua Poltera, Savognin; 3. Lisa Michael, Donat.

### Categoria 7./9. classa

Surselva

1. Chanel Monn, Segnas; 2. Nicole Pally, Curaglia; 3. Ilu Demont, Mustér.

Engiadina

1. Claudia Franziscus, Sent; 2. Nic Benderer, Sent; 3. Danilo Cortesi, Samedan.

Grischun central

1. Anina Gutsche, Savognin; 2. Flurina Carisch, Savognin; 3. Seraina Jäger, Cunter.

### Categoria 17-25 onns

Engiadina

1. Milena Hug, Bever; 2. Gianna Duschletta, S-chanf; 3. Sara Rauch, Scuol.

# 16 onns ein avunda

La davosa stagiun per Renata Gadola e Brida Muscas a Mustér/Fontanivas ei a fin

DA HANS HUONDER / ANR

■ Ils davos sedisch, respectivamein diesch onns ein il campadi e l'ustria a Mustér/Fontanivas stai sut la direzziun dallas soras Renata Gadola e Brida Muscas. La dumengia vargada han ellas giu aviert la davosa ga il menaschi.

Cun quest atun termineschan ellas numnadamein lur engaschament a Fontanivas. Per Renata Gadola ei quei il cass sco menadra dil campadi suenter sedisch onns e per Brida Muscas sco responsabla per l'ustria suenter diesch onns. Parallelmeins terminescha era Silvio Gadola sia funcziun sco responsabel per la contabilitad. Ils emprems nov onns ei Renata Gadola stada responsabla pil menaschi communablamein cun Claudia Columberg.

## Dil vegl tiel niev

Cun sia vischinonza sper il Rein ed ils laghets s'auda la piazza da campar a Fontanivas tier las bialas en Svizra. Quei ei lu era stau in dils motivs ch'il TCS ei sede-

lag, han giu in effect positiv sil diember da pernottaziuns. «Las pernottaziuns ein carschidas successivamein ils onns suandonts», seregorda Gadola. En quei temps ei denton era la tenuta dils hospes da vacanzas semidada. Enstagl da duas ni schizun treis jamnas vacanzas sil campadi fan biars pli e pli cuortas vacanzas, mo persunter pliras: «L'aura ei decisiva. Oz vegnan las prognosas consultadas e sche

quellas ein bunas, lu vegn la glied.» Quei ei per exempel semussau questa primavera: «Grazia alla bialaura havein nus giu la megliera primavera insumma.» Ils responsabels pil campadi a Fontanivas han denton era sentiu avon rodund diesch onns la tendenza ad in pli ferm franc: «Nus havein oz per dabia buca pli tons hospes dalla Tiaratudestga e dalla Hollanda. Persuenter bia pli biars Sviz-

zers. Cun rodund 90 pertschien da tuts ein els claremein ils pli numerus.» Leutier vegnan denton era hospes da tiaras digl ost dall'Europa ni pli e pli savens era Franzos.

## Biars indigens

Fontanivas ei denton buca mo in liug tschercau da hospes da vacanzas e turists digl exteriur, mobein era da glied dalla regiun. Quei ei buca mo il cass pervia

dall'atmosfera idillica entuorn il laghet, mobein era pervia dall'ustria. «Cunzun la primavera e la stad havein nus adina giu fetg bia glied dalla regiun ch'ei vegnida tier nus», constatescha Brida Muscas. Ils hospes dil campadi ein – gest tenor nazionalitad – buc exnum quels che serendan stedi el restaurant. Il menaschi dil campadi e dall'ustria a Fontanivas ei aviarts mintg'onn dalla fin avrel entochen la fin settember. En quels tschun meins eis el aviarts mintga di. «En quei temps dat ei savens dis d'entochen d'utsch ni schizun quitordisch uras», di Muscas. Ensemen cun l'ustria ed il kiosc porscha il campadi a Mustér/Fontanivas ella media otg entochen nov piazzas da lavur cupleinas. La stagiun aulta il fenadur ed uost ein biebin diesch persunas occupadas en ina funcziun ni l'aura. La dumengia vargada han Renata Gadola e Brida Muscas priu giu cassa la davosa ga. «Uonn havein nus buca fatg quei aschi vess, damai ch'il settember ei buca staus buns. Probablamein sentin nus lu primavera ch'ei manca enza-

